



Universitätsbibliothek Paderborn

**Exempla, In Septem Capitalivm Vitiorvm Detestationem,
Per Qvadragesimam, An. 1646. narrata**

Stengel, Georg

Ingolstadij, 1649

§. 20. Remedia contra iram.

[urn:nbn:de:hbz:466:1-49161](https://nbn-resolving.de/urn:nbn:de:hbz:466:1-49161)

XX.

REMEDIA
CONTRA
IRAM.

S. Basil.
hom. 10
de ira.

Vide Plu-
garchi li-
bellum
de cohi-
benda
ira.

Senec.
lib. 1. de
ira c. 3.

Exposui & ego hanc historiam, in exem-
plum, in quo, quid ira possit, graphicè de-
monstratur. Neque enim tantum effrenes lin-
gua, ora incustodita, contumelia, probra, verbe-
ra, & alia eiusmodi sunt ira fructus; sed etiam,
ut S. Basilius ait: ob iram, ensis acuitur, mors
homini ex homine venit; non eis senectus venera-
bilis, non vita virtus, non generis propinquitas,
non parentes. Quin & maximum se in malum
sapientis concyunt, & studio vindicandi seipso ne-
gligunt. Nam & omni fera venenata impuden-
tiis ruunt; nec prius desistunt, quam magno &
intolerabili malo animum exatiarint. Membro-
rum mutilationes, vulnera, mortes, præmium
pugna ferunt. Sicut tulerunt isti, qui, quod
alijs fecerunt, passi sunt. Nam membratim
concisi, in sublimi tabula pependerunt, &
sole adusti, ob altitudinem turris, inscijs tra-
goediar illius, visi sunt esse vespertiliones. Ve-
ri sanè vespertiliones, quia vespere, immo
nocte vls sunt, vt in alienas ædes & neces
inuolarent. At quid cum vespertilionibus
hos comparo? qui feritate atque immanita-
te superant leopardo? Homine, dum in recto
animi habitu est, nihil est mitius; cum ira
vincitur, nihil crudelius, infestius nihil. Ho-
mo in adiutorium neutrum generatus est: ira in
exitium.

exitium. Hic congregari vult, illa discedere: hic prodeesse, illa nocere: hic etiam ignotis succurrere, illa etiam charissimos petere: hic aliorum comodis vel impendere se paratus est: ira in periculum, dummodo ducat, descendere; immo descendere in omnem barbariem ac furorem; adeò ut nemo tam humilis sit, qui poenam vel summi hominis sperare non audeat. ad nocendum enim potens est, quisquis non amplius timet, præ ira, ne sibi noceatur; quæ ita perturbat, ut iratus quæ noceat tantum, non quæ caueat, aspiciat. Quin superat belluam, qui furore efferratur; ut olim videre, fuit, in Locrensibus, qui iniuria publica affecti, de vxore & liberis Dionysij iunioris atrocissimè se se vindicauerunt. Etenim cùm, miris modis, in eos sauijssent, tandem contumeliarum numero fatigati magis, quam satiati, acubus intra vngues & carnem digitorum insertis dirissimo puncturarum cruciatu, eos interemerunt. Postea, consciissa minutatim carne, & ossibus occisorum in mortario contusis, eos omnes Diris deuouerunt, qui non aliquid inde gustauissent. Quidquid supererat, in pistillum tulerunt, vt molis obtritum, ab ijs, qui fruges molebant, deuaretur. Vides rabiem carniuarorum bellua-

Atheng
l. 12, dip-
nos, c. 190

rum? Sat nobis caussæ esset, ad iræ detestationem, quod ex homine bestiam faciat; sat ut citò atque in principijs suis extinguitur, antè, quam indomita fiat, sicut incendium, quod leui tactu potest impediti, si in scintil-

Venerab. Ia sopiaatur. Quia hæc est natura iræ: ait Vc Beda 1. 2. nerabilis Beda, ut dilata languescat, & pereat: super Pa gab.

prolata verò magis ac magis conflagret. Nempe quemadmodum nauis ventis agitata Pon-
to submergitur, nisi eam gubernator, sua in-
dustria, regat; sic iracundia hominem, ad de-
terrima quæque rapit, nisi ei ratio frenum
injiciat ac moderetur. Sapiens est igitur præ-
ceptum, ut si ira subitò nobis erumpit, non
satis vigilantibus, saltē eam diutius foue-
re, ac retinere caueamus. Rectè ex Euripide
tradidit Maximus monachus: sicut corpus
nostrum mortale est: sic conuenire, ut iram
habeat mortalem is, qui temperantia uti no-
uerit Hinc Apostolus scripsit: *Sol non occidas
super iracundiam vestram. Nolite locum dare
diabolo.* Et. S. Augustinus ait: *Subrepit, dum
nulli irascenti ira sua videtur iniusta: ita enim
innueterascens ira fit odium, dum quasi iusti dolor-
ris admixta dulcedo diutius eam in vase detinet,
donec totum acescat, vasq[ue] corrupcat. Quapro-
pter multò melius nec inste cuiquam irascimur
quam*

Maxim.
serm. 19.

Ephes. 4.
26.

S. Augu-
stin. ep.
100 ad
Profutu-
ram.

quam velut iuste irascendo in alicuius odium ire
occulta facilitate dilabimur. In recipiendis enim
hospitibus ignotis, ista solemus dicere, multò esse
melius, malum hominem perpeti, quam forsitan
per ignorantiam excludi bonum, dum cauemus,
ne recipiatur malus. Sed in affectibus animi con-
tra est. Nam incomparabiliter salubrius est, etiā
ire iusta pulsanti non aperire penetrale cordis,
quam admittere non facile recessurā, & peruen-
turam de surculo ad trabem. Audet quippe im-
pudenter etiam crescere citius, quam putatur.
Non enim erubescit in tenebris, cum super eam
sol occiderit. Et memoria quō diuturnior, eo
firmior est iniuriarum. Hinc Iustinianus à
Leone regno motus & naribus truncatus, re-
cepto imperio, quoties defluentis rheumatis
guttam manu detersit, toties aliquem ex ijs,
qui partes aduersarij, contra illum, secuti
fuerant, præcepit iugulari. In vultu habuit
læsionis monumentum, ea de causa non po-
tuit offensæ obliuisci. Quid fieret, si Christus
ita nobiscum ageret, qui manibus pedibusq;
& ipsi etiam pectori suo identidem vide-
in scriptas cicatrices? & quidem no-
stra immanitate inscri-
ptas?